

Broj: 03-04-723-3/22  
Sarajevo, 14.06.2022. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 16-06-2022			
Org. jed.	Broj	Priloga	Vrijednost
05/11	-02-	185	122

**PARLAMENT FEDERACIJE BOSNE I HERCEGOVINE**

**Zastupnički dom**

n/p gosp. Ivanu Miličeviću, tajniku ✓  
n/p gosp. Salki Zildžiću, zastupniku

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u pritvku Vam dostavljam akt Federalnog ministarstva trgovine, broj: 01-02-523/22 od 09. lipnja 2022. godine, koji se odnosi na zastupničku inicijativu zastupnika Salke Zildžića.

S poštovanjem,

  
**TAJNIK VLADE**  
mr. sc. Edita Kalajdžić

Privitak: kao u tekstu

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO TRGOVINE  
MOSTAR  
Broj: 01-02-523/22  
Mostar, 09.06.2022. godine

BOSNIA AND HERZEGOVINA 986  
FEDERATION OF BOSNIA AND HERZEGOVINA  
FBIH MINISTRY OF TRADE  
MOSTAR

BOSNA I HERCEGOVINA  
FEDERACIJA BOSNE I HERCEGOVINE  
VLADA

n/p mr.sc. Edita Kalajdžić, sekretar

SARAJEVO  
Ul. Hamdije Čemerlića broj 2

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

prijava NO: 13.6.2022			
Org. za prijavu jedinice	Klasifikacioni oznaka	Broj	Prilog
03-04-723-3/2022			

**Predmet:** Odgovor na zastupničku inicijativu zastupnika Salke Zildžića

**Veza:** Vaš akt broj: 03-04-723-3/2022 od 02.06.2022. godine

Poštovani,

U skladu s odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), u prilogu Vam dostavljamo tri primjerka odgovora na zastupničku inicijativu, koju je dao zastupnik Salko Zidžić, na 33. redovnoj sjednici Zastupničkog doma Parlamenta Federacije Bosne i Hercegovine, održanoj 31.05.2022. godine, uz molbu da isti dostavite i zastupniku.

S poštovanjem,

Prilog: kao u tekstu

Dostaviti:

1. Naslovu
2. Odsijek za cijene
3. a/a



Broj: 01-02-523/22  
Mostar, 09.06.2022. godine

BOSNA I HERCEGOVINA  
ZASTUPNIČKI/PREDSTAVNIČKI DOM  
PARLAMENTA FEDERACIJE BOSNE I HERCEGOVINE  
n/p Ivan Miličević, sekretar  
n/p Salko Zildžić, zastupnik

SARAJEVO

**Predmet:** Odgovor na zastupničko pitanje zastupnika Salke Zildžića, dostavlja se

U skladu s odredbom člana 75. Poslovnika o radu Vlade Federacije Bosne i Hercegovine–Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), vezano za Inicijativu koju je Vladi Federacije BiH uputio zastupnik Salko Zildžić koja se odnosi na traženje da Vlada Federacije BiH uputi Inicijativu Vijeću ministara BiH za donošenje privremene mjere, odnosno Odluke o privremenoj zabrani izvoza peleta i ogrjevnog drveta iz BiH u naredna 4 mjeseca ili koliko analize nadležnih ministarstava pokažu da je dovoljno da se stabilizira cijena peleta i ogrjevnog drveta kao i količine istih energenata na domaćem tržištu, dajemo sljedeći:

### Odgovor

Federalno ministarstvo trgovine u skladu sa Zakonom o federalnim ministarstvima i drugim tijelima federalne uprave vrši upravne, stručne i druge poslove iz nadležnosti Federacije BiH koji se odnose na trgovinu, funkcioniranje jedinstvenog tržišta, utjecaj privrednog sistema i ekonomske politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom. U skladu s navedenim nadležnostima, ovo Ministarstvo prateći odnose ponude i potražnje ogrjevnog drveta i peleta, kao i kretanje cijene istog, konstatiralo je da je situacija na ovom tržištu peleta u Bosni i Hercegovini dostigla alarmantan nivo.

Zbog činjenice da postoji opravdana bojazan da peleta neće biti u dovoljnoj mjeri za potrebe bosanskohercegovačkog tržišta, Federalno ministarstvo trgovine je dana 25.05.2022. godine uputilo Vladi Federacije BiH Informaciju vezano za alarmantnu situaciju na tržištu peleta u BiH. U Informaciji je navedeno da je na evropskom tržištu evidentna nestašica ogrjevnog drveta peleta, kojoj je od 2020. godine doprinijela pandemija COVID 19, a nakon toga situacija je dodatno pogoršana ratom u Ukrajini, te da mnogi bosanskohercegovački proizvođači i prometnici izvoze pelet u kvotama u visini od 90%, a pojedina društva izvoze čak 100% svoje proizvodnje. Nadalje, u Informaciji je istaknuto da skok cijena ogrjevnog drveta i peleta dovodi građane u vrlo nezavidan položaj, a cilj Vlade Federacije BiH je da zaštiti domaće tržište i osigura dovoljne količine ogrjevnog drveta i peleta.

Vlada Federacije BiH je na svojoj sjednici održanoj 26.05.2022. godine usvojila Informaciju Federalnog ministarstva trgovine i zadužila Federalno ministarstvo trgovine, Federalno ministarstvo poljoprivrede, vodoprivrede i šumarstva i Federalno

ministarstvo energije, rudarstva i industrije, da u saradnji s Privrednom komorom Federacije Bosne i Hercegovine, sagledaju situaciju vezano za snabdijevanje tržišta Federacije Bosne i Hercegovine peletom i drugim vrstama ogrjevnog drveta. U tački 2. Zaključka Vlada Federacije FBiH zadužila je navedena federalna ministarstva da ovisno o rezultatima sagledavanja situacije u pogledu snabdijevanja tržišta Federacije Bosne i Hercegovine peletom i drugim vrstama ogrjevnog drveta, u roku od 15 pripreme tekst inicijative, koju će Vlada Federacije Bosne i Hercegovine uputiti Vijeću ministara radi donošenja odgovarajuće mjere o privremenom ograničenju izvoza peleta iz Bosne i Hercegovine. Dana 30.05.2022. godine Federalno ministarstvo trgovine je dostavilo Vladi Federacije BiH Inicijativu za donošenje odluke o privremenoj zabrani izvoza iz BiH ogrjevnog drveta i peleta do 31.12.2022. godine. U Inicijativi je navedeno da imajući u vidu postojeća alarmantna dešavanja sa rastom izvoza i cijenom ogrjevnog drveta, koja će zasigurno onemogućiti osiguranje dovoljne količine sa ekonomskim prihvatljivom cijenom za tržište Bosne i Hercegovine, Vlada Federacije smatra potrebnim da Vijeće ministara BiH donese Odluku o privremenoj zabrani izvoza ogrjevnog drveta i peleta iz Bosne i Hercegovine do 31.12.2022. godine, uz uslov da ista neće imati negativne efekte za BiH u smislu naknade štete po već zaključenim/važećim ugovorima za izvoz, odnosno da se predmetna Odluka sačini tako da se ne odnosi na važeće zaključene ugovore do dana stupanja na snagu te odluke. Pravni osnov za donošenje navedene odluke sadržan je u članu 7. stav (6) Zakona o vanjskotrgovinskoj politici Bosne i Hercegovine ("Službeni glasnik BiH", br. 7/98 i 35/04), kojim je propisano da Vijeće ministara BiH, u skladu s obavezama iz trgovinskih sporazuma, može zabraniti izvoz, uvoz ili prevoz određenih roba preko BiH ili propisati uvjete prema kojima takve robe mogu biti uvezene, izvezene ili prevezene u tranzitu da bi se spriječilo ugrožavanje ljudskih života, zdravlja i okoliša.

Vlada Federacije BiH je Zaključkom broj: broj: 786/2022 od 30.05.2022. godine prihvatila navedenu Inicijativu i zatražila da Vijeće ministara Bosne i Hercegovine zaduži nadležno Ministarstvo vanjske trgovine i ekonomskih odnosa BiH da u što kraćem roku, a ne kasnije od petnaest dana od dana usvajanja ove Inicijative, pripremi i uputi odluku Vijeću ministara Bosne i Hercegovine na razmatranje i usvajanje. Ministarstvo vanjske trgovine i ekonomskih odnosa BiH obavijestilo je Vladu Federacije BiH i Federalno ministarstvo trgovine da je zaprimilo Zaključak Vlade Federacije BiH broj:786/2022 od 30.05.2022. godine, kao i Inicijativu za donošenje Odluke o privremenoj zabrani izvoza iz BiH ogrjevnog drveta i peleta do 31.12.2022. godine. U dopisu Ministarstva vanjske trgovine i ekonomskih odnosa BiH, koje je obrađivač prijedloga predmetne Odluke, potvrđena je neophodnost brzog reagovanja, odnosno donošenja predmetne odluke od strane Vijeća ministara BiH, kako bi se stabiliziralo domaće tržište i zaštitilo stanovništvo od eventualne nestašice ogrjevnog drveta i peleta u predstojećoj sezoni grijanja.

S poštovanjem,

MINISTAR  
Zlatan Vujanović

